



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SISWATI LULWIMI LWASEKHAYA (HL)

LIPHEPHA LEKUCALA (P1)

2022

TICONDZISO TEKUMAKA

EMAMAKI: 70

Leticondziso tekumaka tinemakhasi la-9.

SIGABA A: SIVISISO**Ticondziso tekumaka sivisiso:**

- Bahlolwa abangajeziswa uma banemaphutsa esipelingi nelulwimi emibutweni lemidze ngobe injongongco kuvisisa. Akuvele kutsi liphutsa liboniwe.
- Nangabe umhlolwa asebentisa emagama aletinye tilwimi letingasiso Siswati akanganakwa lawo magama, kodvwa nangabe imphendvulo ivakala ihambisana nembuto akangajeziswa. Nangabe kusetjentiswe ligama lalolunye lulwimi etheksthini kantsi liyafuneka emphendvulweni, loko kwemukelekile.
- Emibutweni levulekile bahlolwa abanganikwa emamaki nangabe baphendvule ngetimphendvulo letitsi: YEBO/CHA nobe NGIYAVUMA/ANGIVUMI. Kufanele banike sizatfu nobe bachaze ngalokugcwele nobe besekele.
- Emibutweni lefuna LICINISO/EMANGA nobe LICINISO/UMBONO emamaki akangehlukaniwa emkhatsini, lokusho kutsi alikho limaki lelinikwa LICINISO/EMANGA nobe LICINISO/UMBONO, onkhe emamaki anikwa sizatfu/kuchaza ngalokugcwele/kwesekela/kucaphuna.
- Nangabe umbuto udzinga timphendvulo teligama linye kuphela bese bahlolwa baphendvula ngemisho legcwele kufanele kwemukelwe nangabe ligama lelifunekako lidvvetjelwe nobe ligcanyisiwe.
- Nangabe umbuto udzinga emaphuzu lamabili/lamatsatfu kodvwa bahlolwa banike langetulu kwaloko, akumakwe lamabili/lamatsatfu ekucala.
- Inkhulumosigodzi (lulwimisigodzi) yemukelekile.
- Imibuto lapho kunikwe timphendvulo letinyenti kutsi bahlolwa bakhetsa, akwemukelwe luhlavu loluhambisana nemphendvulo nobe nangabe abhale imphendvulo ngalokugcwele.

UMBUTO 1**1.1 TIMPHENDVULO TETHEKSTHI A**

- 1.1.1 Umuntfu utfotjiswa kulahlekelwa sihlobo nobe ngumuntfu lasondzelene naye. (1)
- 1.1.2 D/Kudla kusale emphilweni. (1)
- 1.1.3 Lenkhulumo iletsa umcondvo wekutsi umuntfu uyaludzinga lusito kulomunye umuntfu/Uma ungumuntfu angeke utiphilele wena wedvwa. (Kunye kwaloku.) (2)
- 1.1.4 Ubonakala ngekutifoba/kunakekela labanye bantfu/kuhlonipha/kusita umuntfu nangabe asenkingeni/**Uyatsandvwa/Uyetsenjwa/Uyahlonishwa** (Kubili kwaloku.) (2)
- 1.1.5 Kwesabela timphilo tabo/Kuphela kwebuntfu. (2)
- 1.1.6 Kubhadala umshuwalense/Kukhokha imali etinhlanganweni uyitfole nangabe ushonelwe/Kutsengelana kudla nangabe lomunye ashonelwe/**Kuboleka imali ebhange**. (Naleminye imibono lenembako yemukelekile.) (Kubili kwaloku.) (2)
- 1.1.7 Inhlupheko/Kutsandza imali/Kutsandza tintfo letisetulu. (Naleminye imibono lenembako yemukelekile.) (Kubili kwaloku.) (2)
- 1.1.8 Bantfwana ababi nenjabulo/Balahlekelwa kutetsemba/Bagcina sebahlukumeta labanye. (Naleminye imibono lenembako yemukelekile.) (Kubili kwaloku.) (2)
- 1.1.9 Kutfumela emaphoyisa ayewuphenya kuleto tikolo/Sikolo nesikolo sinikwa liphoyisa lelitawusebentisana naso/Sikolo nesikolo sinikwa sonhlalakahle lotawusebentisana naso. (Naleminye imibono lenembako yemukelekile.) (Kubili kwaloku.) (2)
- 1.1.10 Imibono itawehluka ifake ekhatsi loku lokulandzelako:
Labavumako batawesekela ngekutsi:
Kunetimbiwa letenta kube nemali lenyenti/Bantfu basuka emaveni abo bagcine sebahlala kulelive/Kuphilwa kahle ngobe kunemnotfo lomnyenti.
Labangavumi batawesekela labakushoko. (Naleminye imibono lenembako yemukelekile.) (Kubili kwaloku.) (2)
- 1.1.11 Kwenta imihlangano yekufundzisa ngekuvuselela buntfu/Kuba sibonelo emmangweni ngekutsi ucale wena kwenta lobuntfu. Kukhombisa buntfu kulabo labanganabuntfu. (Naleminye imibono lenembako yemukelekile.) (Kubili kwaloku.) (2)

1.2 TIMPHENDVULO TETHEKSTHI B

- 1.2.1 Wentela kutsi angabonwa banikati ngobe ufuna kuganga. Ulisela/ (Naleminye imibono lenembako yemukelekile.) (1)
- 1.2.2 Lesigebengu sigcoko sigcoko lesifihla buso/Sifake emagilavu latawenta kungabonakali lapho sitsintse khona. (Kunye kwaloku.) (1)
- 1.2.3 Banikati balamakhaya bangashayela bemtsetfo bacele lusito/ Bangahlaba inyandzaleyo bacele lusito kubomakhelwane/ Bangafaka titfwebulititfombe letifihlekile. **Kufaka dalada lonagesi/ Kufuya tinja/Kufaka ema-alamu/Kucasha logadza.** (Naleminye imibono lenembako yemukelekile.) (Kubili kwaloku.) (2)
- 1.2.4 Bakhombisa kuvuma kuphenywa/Baphocelelwe ngulamaphoyisa kutsi batiphakamise/Bentiswe loko kute bangatsikameti emaphoyisa uma abaphenya/**Bangabi nelitfuba lekukhipha silimato ekhikhini.** (Naleminye imibono lenembako yemukelekile.) (Kubili kwaloku.) (2)
- 1.2.5 Akusiti ngobe labanikati balemiti nobe bayakhile lemitsangala kutsi ibasindzise, letigebengu tiyachubeka tingene njengobe kuvetiwe kutheksthi B efreyimini ye-1 neye-3. (2)
- 1.2.6 Budlelwane lobukhona ngukutsi lomugca lokuTheksthi A ukhuluma ngekungenelwa tigebengu nakuTheksthi B efreyimini ye-2 kuvetwe sigebengu lesingena endlini. (2)

SAMBA SESIGABA A 30

SIGABA B: SIFINYETO**UMBUTO 2**

Kumakwa kwesifinyeto kulawulwa ngemaphuzu lacondzene ngco netheksthi.

Sifinyeto kufanele simakwe ngalendlela lelandzelako:

- **Kwabiwa kwemamaki:**
 - Emamaki lasikhombisa (7) abelwe emaphuzu lasikhombisa (7), (1 limaki labelwa liphuzu ngalinye).
 - Emamaki lamatsafu (3) abelwe lulwimi.
 - Samba semamaki: 10.

- **Kwabiwa kwemamaki labelwe lulwimi nangabe umhlole asebentise emagama akhe:**
 - 1–3 emaphuzu langiwo nika 1 limaki lelulwimi.
 - 4–5 emaphuzu langiwo nika 2 emamaki elulwimi.
 - 6–7 emaphuzu langiwo nika 3 emamaki elulwimi.

- **Kwabiwa kwemamaki elulwimi nangabe umhlole acaphune njengobe kunjalo etheksthini:**
 - 6–7 ticashunwa umhlole **akanganikwa** emamaki elulwimi.
 - 4–5 ticashunwa umhlole akanikwe 1 limaki lelulwimi.
 - 2–3 ticashunwa umhlole akanikwe 2 emamaki elulwimi.
 - 0–1 ticashunwa umhlole akanikwe 3 emamaki elulwimi.

CAPHELA:

- **Sibalo semagama:**
 - Labamakako kumele bacinisekise linani lemagama lelisetjentiswe esifinyetweni.
 - Kungabokhishwa emamaki nangabe umhlole angalikhombisi linani lemagama lasetjentisiwe nobe abhale linani lelingasilo lemagama lasetjentisiwe.
 - Nangabe linani lemagama lingetulu kwalelo lelimisiwe, fundza ufike ekugcineni kwemusho wekugcina ngetulu kwelinani lemisiwe, uyekele incenye lesele yesifinyeto.

UMONGO WESIFINYETO**EMAPHUZU LABALULEKILE LEKUMELE AVELE ESIFINYETWENI LESITINDZIMA: (Umhlohlwa akavete emaphupho lasikhombisa Hloniphile lafisa kuwafeza emphilweni yakhe.)**

Hloniphile unesifiso sekuphumelela kahle kakhulu atewukhona kufundzela bunjiniyela. Liphupho lakhe kutsi ente umsebenzi wakhe nge-inthanethi. Hloniphile ufuna kutakhela libhizinisi kute kube nebantfu labatawutfolela umsebenzi kulo. Ufisa kufaka sandla emmangweni ngekwakha likhaya lalabadzala.

Akakujabuleli kuba yinjinga Hloniphile kepha ufuna kuba nemali leyenele letawufeza tidzingo takhe. Ufisa kuba nemuti latakhele wona yena njengabo bonkhe bantfu kute ahlonishwe. Lokunye lokuliphupho kuye kuhlanyela emihlanganweni yemmango.

[61 emagama.]

	Sicashunwa		Emagama emhlohlwa
1	'... kuphumelela ngemalengiso kute ngitewufundzela tifundvo tebungjiniyela.'	1	Hloniphile unesifiso sekuphumelela kahle kakhulu atewukhona kufundzela bunjiniyela.
2	'... kutibona ngisebenta nge-inthanethi.'	2	Liphupho lakhe kutsi ente umsebenzi wakhe nge-inthanethi.
3	'... kuba nelibhizinisi kute ngidale ematfuba emsebenzi.'	3	Hloniphile ufuna kutakhela libhizinisi kute kube nebantfu labatawutfolela umsebenzi kulo.
4	'... kutibona ngisita ummango wangakitsi ngekuwakhela indzawo yekugcina bantfu lesebakhulile.'	4	Ufisa kufaka sandla emmangweni ngekwakha likhaya lalabadzala
5	'... kuba nemali lengasiyinyenti ngalokwedlulele.'	5	Akakujabuleli kuba yinjinga Hloniphile kepha ufuna kuba nemali leyenele letawufeza tidzingo takhe.
6	'... kuhle kutsi nami ngibe nendlu lebita mine ngitewuhlonipheka emmangweni.'	6	Ufisa kuba nemuti latakhele wona yena njengabo bonkhe bantfu kute ahlonishwe.
7	'... kutibandzakanya emihlanganweni yemmango.'	7	Lokunye lokuliphupho kuye kuhlanyela emihlanganweni yemmango.

SAMBA SESIGABA B: 10

SIGABA C: TAKHI NETIMISO TEKUSETJENTISWA KWELULWIMI**Ticondziso tekumaka SIGABA C.**

- *Sipelingi/Lupelomagama:*
 - Timphendvulo letifuna ligama linye kufanele temukelwe nanobe sipelingi/lupelomagama sinemaphutsa, ngaphandle kwekutsi liphutsa lesipelingi lintjintja inshokutsi yalelo gama.
 - Timphendvulo letifuna imisho legcwele kufanele tingemukelwa nangabe liphutsa lesipelingi lisesakhiweni selulwimi lesihlolwako.
 - Nangabe kuhlolwa sifinyeto seligama, imphendvulo kufanele ifakwe tiphumuti/timphawu letifanele.
- Takhiwo temisho kufanele tilandzele luhlelo lolwemukelekile tibuye tibhalwe ngalokugcwele njengobe kubekwe eticondzisweni.
- Imibuto lapho kunikwe timphendvulo letinyenti kutsi bahlolwa bakhetsa, akwemukelwe KOKUBILI, luhlavu loluhambisana nemphendvulo NA/NOBE nemphendvulo lebhalwe ngalokugcwele.

UMBUTO 3

- 3.1 Letinhlavu letinkhulu tidvonsa emehlo ebatsengi/Tiheha batsengi/**Batsengi basibona bakhashane** (Kunye kwaloku.) (1)
- 3.2 Ngulabo labatsandza inyama leyosiwe/labavilapha kupheka/**Ngulabasebentako/Labaphuma ebusuku emsebentini/Labatsandza kutsenga basemakhaya/Labadzala labanetincingo labatsandza umbhidvo** (Kunye kwaloku.) (1)
- 3.3 B/Indlela leyamile. (1)
- 3.4 Kubhalwa lomusho bese kudvvetjelwa ligama lelibuniyo/bunikati. Ufaka imali usendlini, toso titifikele ekhaya lakho ngelitubane. (1)
- 3.5 Kuhlobile kulenzawo/Kufaka li-oda usekhaya/KaMadlisa bayephuta kuvala/Letoso tihambisana nembhidvo wetintsanga wamahhala. (Kubili kwaloku.) (2)
- 3.6 Lenkhulumo iyinkhohliso ngobe timphungane tiyatsandza kudlalela lapho kunenyama khona, angeke kwenteke kutsi bangahlalwa timphungane nanobe bangemanono. **Tibi tilahlwa dvutane nalapho koselwa khona.** (Naleminywe imibono lenembako yemukelekile.) (2)
- 3.7 Imininingwane yekuchumana ayikafakwa kulesikhangisi. Loko kungenta kutsi batsengi bangakhoni kuchumana nebanikati baleshisanyama yakaMadlisa. (Naleminywe imibono yemukelekile.) (2)

[10]

UMBUTO 4

- 4.1 Kunetinhlobonhlobo temfuyo njengetinja, tinkhomo, timvu **nelihhashi/** Lomunye uyasenga. (Kunye kwaloku.) (1)
- 4.2 Asihambe ngilozi yami. (1)
- 4.3 Kucedzelwa umusho ngelibintana leligama, 'iyinsengwakati!' Sib. Chubeka usenge lenkhomo make ngobe yehlisa lubisi lolunyenti. (1)
- 4.4 C/Inkhulumo letsintsa imiva. (1)
- 4.5 Lesandla usibambele kutsi lenkhomo ingamlimati/Usibambele kukhombisa kutsi uyamtsandza/Usibambele kutsi bahambe ngobe sewujakile kantsi lomntfwana usabukela lomake losengako/**Angalahleki/Angantjontjwa/Angadliwa tilwane/** (Naleminye imibono lenembako yemukelekile.) (Kunye kwaloku.) (1)
- 4.6 Kungenteka ucocela lona logibele lihhashi ngawo/Kungenteka ufuna kutsengisela lobabe logibele lihhashi incenye yawo/Kungenteka ufuna kumsisela/**Kuyewulotjolwa ngato** (Naleminye imibono lenembako yemukelekile.) (Kunye kwaloku.) (1)
- 4.7 Kuliciniso kutsi itsatsa luhlangotsi ngobe ivalela bobabe ngaphandle, itsi kunakekela bomake kuphela kantsi bakhona labanye bobabe labanakekela imiti yabo. (2)
- 4.8 Imibono itawehluka ifake ekhatsi loku lokulandzelako: Labavumako batawesekela ngekutsi: Lekhathuni ayivuni bulili ngobe kunalabadvuna nalabasikati labenta lokutsite kulekhathuni/**Kunalabasikati labasengako (Labangavumi batawesekela ngemibono yabo lenembako)** (Naleminye imibono lenembako yemukelekile.) (2)

[10]**UMBUTO 5**

- 5.1 Lusizi luyaphela uma uye khona/**Lihlobo litsandvwa bantfu labanyenti.** (1)
- 5.2 Leselulo sesento siveta umcondvo wekwentiwa. (1)
- 5.3 Kumnandzi kudlala ngemampokoya/emangeleti. (Kunye kwaloku.) (1)
- 5.4 LiTheku yindzawo leshisako ebusika **futsi** bantfu bakuleyo ndzawo abatsikameteki ngekuyotijabulisa elwandle. (1)
- 5.5 Kwakhiwa umusho ngeligama, 'tindlela', kukhombisa umcondvo lowehlukile kunalowo losetheksthini. Sib. Tindlela letiya emakhaya atifakwa tiyela. (2)

- 5.6 Kusetjentiswa sisho, 'kushaywa ngumoya' nobe, 'kumba ecolo' nobe **kucitsa imali** emshweni.
Sib.
Ngisashaywa ngumoya ngobe itolo bengisebenta kamatima.
Babe akakayitsengi lenkhomo ngobe utsi imba ecolo.
Labanye bantfu labasha batsandza kucitsa imali etintfweni letinganamsebenti. (2)
- 5.7 Kubhalwa umusho ucale ngekutsi: Itolo ...
Sib.
Itolo bantfu labangenamali lenyenti bayise/**bebayise** bantfwababo emadolobheni ladvute nabo. (2)
[10]
- SAMBA SESIGABA C: 30**
SAMBA SAKO KONKHE: 70